

郡人 王應山 纂輯

湖西北侯官勝蹟

自貴安山折而西為陳則清墓遺愛亭謝蕢墓郡厲壇風節亭保福寺洪英墓梅亭鋪林鈍墓高鳳墓傅汝舟墓鄭善夫墓鹿乳泉婆嶺亭諫議阡馬驄墓王舜卿墓萬安橋文山高旭墓高均墓留愛祠玉泉寺

陳則清墓在象山有司營葬則清正德丁丑進士歷都御史巡撫雲南卒於官萬歷間祀鄉賢

遺愛亭在黃坑口 國朝嘉靖間鹽商為運使歐陽恂建恂字

卷三

求放心齋

忱之江西泰和人宏治壬戌進士為運鹽使持清操待商人有恩其後都運如婁志德王鈞周浩王三錫水蘗有聲竝刻石頌之

謝蕢墓在佛國山蕢正德丁丑進士禮科給事中嘉靖初以議禮與張璁桂萼不合力爭杖闕下出知太平府未上卒隆慶初贈太常寺少卿萬歷間祀鄉賢

郡厲壇在保福山之東宋元時附社稷壇祭 國朝洪武三年建馬鞍山後八年移今所刻石祭文 高皇帝所頒也歲以

清明中元十月朔日三祭

風節亭在保福寺之西初道周有亭以憩行者歲久傾圮 國

地 310.11  
9276.1  
15

朝萬曆十三年提學副使鄒迪光以巡撫趙可懷撻辱諸生  
卽解綬去合郡思之建亭立石吳郡劉鳳撰文監亭中

保福寺在二都郡厲壇之北初名唐安陳天嘉二年建 國朝

洪武初重建更名隆壽保福云 明林燿遊保福寺古寺蕭

蕭傍郭門周迴閒砌長苔痕高秋風送諸天雨落日人歸何  
處村詩句每從初地覓蟬聲偏向靜中喧不須辛苦營生事  
衰草荒邱總斷魂

洪英墓在火烽山英永樂十三年進士試禮闈第一 歷右都御  
史

梅亭舖在火烽山之西俗呼五里梅亭

卷三

二

求放心齋

林鈍墓在梅亭山鈍永樂中鄉薦興國教諭子三人泮戶部尙  
書清源工部主事濬淵按察僉事時稱三鳳

高鳳墓在梅亭山鳳善推卜遇物輒以意推不專用易宏治間  
以學吏給由之京召入占驗特授工部郎中

傅汝舟墓在眠狗山汝舟丁戌山人也事詳郡志 王應山吊

傅山人墓桑戶當年已反真傷心交誼自先人荒邱誰復瞻  
霜露斷簡能無泣鬼神采藥尙淹蓬島月種桃空憶故山春  
幸然委蛻依良友何必要離竝隱淪 徐爍詩大雅人何在

纍纍土一邱有詩傳宇宙無子祭春秋樵採村童人經過故  
老愁泉臺隣少谷精爽可同遊 郭造卿詩應得神仙去青